

SORRENTO – TARDE = 2 A 3... JE' DIFFICILE...MA TE VOGGHJE BBENE!

L'ha mann't Aldo "Diecipalazzine"
lunedì 18 maggio 2009

Sine… sine… te vogghje bbène… com’hagghje a ffà cu tteje? Na vote me fàce chiangère, n’otra vote me fàce ridère ‘u còre. Ogne dumeneche ‘nu sckattacòre. Quanta vòte t’avisse vulùte mannà a fangule… o te dicère: avàste! E ‘mbèce nòne. Hagghje state apprisse a tteje, Tàrde mije, quann’ hè stàte bbuène e a maggior raggione, quanne hè state malate. E osce, finalmente hè assùte da stu litte de dulòre. Uézete e camìne… t’avime salvate squadra meje… e mò pozze chiangère. Ha state difficile pigghiarla sempre a rrìse quàne te vedève accussì malandate… ma mò pozze chiangère…. no mme dicite nijnde amice mije…

Osce s’ha achiùse n’annate desgraziate… ’u Tàrde aveva vèngere a ffòrte e ha vengiùte. Già da ‘u prime timbe s’ha vviste ca le sciucature nuéstre tenévene l’uecchje arraggiate. ’Nu pàre de belle azzione e avime segnàte… goooooool… DI (capoluogo della Puglia) ha ménate ‘na capuzzàte o pallòne e ha segnàte. Uagnù! Hagghje sckaffate ‘nu cazzòtte sùse a ‘na specie de cummò, ca mia mamme angòre me stè sòdeche… ehehehe. Pò ‘u Sorrénde ha pareggiate. Ma le uagnùne nuéstre MICCO, DA SILVA, no s’honne fermate… sbunnàte da tutte le vànne. Nemmànghe accumulènze ‘u secònde tèmbe e ‘u Tàrde segne… gooooooooooollllllll….. n’otre cazzòtte… ehehehe… ’U Sorrénde ne vulève vendètte pure ce oramaje s’avéve salvate. Ma siccome l’otre squadre d’a Campanie, ca se stè sciucavène a salvezze, l’honne minacciate a ttipe Padrine, se dannavène l’anéme. Ma ‘u Tàrde nuéstre ha state cchiù ffòrte de lòre e honne fatte n’otre gol… doppietta di DA SILVA ca s’ha svegliate ‘nu picca tarde st’anne. Ma nonge ha spicciate ‘u sckattacòreeeee. Le sorrendine honne fatte n’otre gol. Ma oramaje a partite avéve fenite… n’avime salvate. ‘U prossème anne se pénze. Beh uagnùne e uagnédde… queste jè l’urtéma cronache de stu cambionàte. M’avita scusà ce qualche vòte nònge hagghje scritte bbuène ‘a lenga nostre o ce nonge v’hagghje fatte ridère sempre. Ije ve diche grazie piccè m’avite fatte cundènde; piccè sapéve ca pùre pe vvuje (specialmende pe le tarandine ca stòne fòre) qualche resate putéve assè dalle studecarije ca scrívève ije. Grazie uagnù… ve vogghje bbène… alle fèmene de cchiù… ehehehe… ah… me ne stè scurdàve: FACITAVA CALA’ me raccomande... ehehehe.